

ხელშეკრულება

სახელმწიფო შესყიდვის შესახებ

გ.ე.ტ-№6/17

თბილისი

25.01.2017წ

საქართველოს რეგიონული განვითარებისა და ინფრასტრუქტურის სამინისტრო, მინისტრის მოადგილის კახაბერ გულუდანის სახით, შემდგომში - შემსყიდველი, ერთი მხრივ და შპს „ფრანი“ მისი დირექტორის ნიკოლოზ ფიროსმანიშვილის სახით, შემდგომში - მიმწოდებელი, მეორეს მხრივ, „სახელმწიფო შესყიდვების შესახებ“ საქართველოს კანონის 16¹ მუხლის პირველი პუნქტის, „გამარტივებული ელექტრონული ტენდერისა და ელექტრონული ტენდერის ჩატარების ბრძანებით დამტკიცებული წესის შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 მე-15 მუხლის, 2017 წლის 12 იანვარს გამოცხადებულ გამარტივებულ ელექტრონულ ტენდერში აუქციონის გარეშე (სატენდერო განცხადების **NAT170000354**) გამარჯვებული შპს „ფრანი“-ს სატენდერო წინადადებისა და შემსყიდველი ორგანიზაციის შესაბამისი სტრუქტურული ერთეულის - ადმინისტრაციული დეპარტამენტის უფროსის 2017 წლის 11 იანვრის №97-01 მოხსენებითი ბარათის საფუძველზე, ვდებთ ამ ხელშეკრულებას შემდეგზე:

მუხლი 1. ხელშეკრულების საგანი

1.წინამდებარე ხელშეკრულების საგანს წარმოადგენს მიმწოდებლის მიერ საქართველოს რეგიონული განვითარებისა და ინფრასტრუქტურის სამინისტროს საჭიროებისათვის სავიზიტო ბარათების ბეჭდვის მომსახურების გაწევა (CPV კოდი - 79800000; 79823000). სატენდერო დოკუმენტაციითა და მიმწოდებლის მიერ წარმოდგენილი სატენდერო (ტექნიკური) წინადადებით განსაზღვრული პარამეტრებითა და ფასით (ტექნიკური წინადადება ხელშეკრულებას თან ერთვის) - შემდგომში მომსახურება.

მუხლი 2. ღირებულება და ანგარიშსწორების წესი

2.1. ხელშეკრულების მთლიანი და ჯამური ღირებულება დამატებული ღირებულების გადასახადის გათვალისწინებით შეადგენს 4 050.94 (ოთხიათას ორმოცდაათი ლარი და 94 თეთრი) ლარი დღგ-ს ჩათვლით.

2.2. მხარეები ანგარიშსწორებას ახორციელებენ ამ ხელშეკრულებით გათვალისწინებულ რეკვიზიტებზე, უნაღდო ანგარიშსწორების ფორმით ეროვნულ ვალუტაში.

2.3. შემსყიდველი ანგარიშსწორებას ახორციელებს მიმწოდებლის ფაქტიურად გაწეული მომსახურების ღირებულების მიღება-ჩაბარების აქტის წარმოდგენიდან 10 სამუშაო დღის განმავლობაში. მიმწოდებელი უფლებამოსილია შემსყიდველს მოსთხოვოს გაწეულ მომსახურებაზე ანგარიშსწორება, მხოლოდ ამ ხელშეკრულების მე-4 მუხლით გათვალისწინებული შესაბამისი მიღება-ჩაბარების აქტის გაფორმების შემდგომ.

მუხლი 3. მომსახურების შესაბამისობა

3.1. ხელშეკრულების პირველი მუხლით გათვალისწინებული მომსახურება უნდა შეესაბამებოდეს გამარტივებული ელექტრონული ტენდერის (სატენდერო განცხადების **NAT170000354**) სატენდერო დოკუმენტაციის მე-2 მუხლის 2.4. პუნქტით („შესყიდვის ობიექტის ტექნიკური დავალება“) განსაზღვრულ მოთხოვნებს, მსგავსი მომსახურებისათვის უკვე არსებულ სტანდარტებსა და შემსყიდველი ორგანიზაციის მოთხოვნებს.

3.2. 3.1. პუნქტში აღნიშნული ნორმიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს გაწეული მომსახურება ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

მუხლი 4. შესყიდვის ობიექტის მიღება-ჩაბარების წესი

4.1. მიმწოდებლის მიერ გაწეული მომსახურება მიღებულად ჩაითვლება მხოლოდ მიღება-ჩაბარების აქტის გაფორმების შემდეგ.

4.2. ამ ხელშეკრულების ძალით გაწეული მომსახურების შემოწმებას, მიღება-ჩაბარებას და მასთან დაკავშირებული დოკუმენტაციის გაფორმებას ახორციელებს შემსყიდველი ორგანიზაციის შესაბამისი სტრუქტურული ერთეულის - ადმინისტრაციული დეპარტამენტის უფროსი ან/და ამავე დეპარტამენტის მატერიალურ-ტექნიკური უზრუნველყოფის მხარდაჭერის სამმართველოს უფროსი.

შემსყიდველი

მიმწოდებელი



მუხლი 5. მხარეთა უფლება-მოვალეობანი

5.1. მიმწოდებელი ვალდებულია:

- ა) ხელშეკრულებით ნაკისრი ვალდებულებების შესრულება განახორციელოს ამ ხელშეკრულებით გათვალისწინებული ვადების შესაბამისად;
- ბ) მომსახურების გაწევის პროცესში იხელმძღვანელოს ამ ხელშეკრულების 3.1. პუნქტში გათვალისწინებული პირობით;
- გ) უზრუნველყოს მომსახურების გაწევა - 25.01.2017წ - 31.12.2017წ პერიოდის განმავლობაში;
- დ) შემსყიდველს მიაწოდოს უფლებრივად და ნივთობრივად უნაკლო ნივთი;
- ე) მიწოდებულ საქონელზე აღმოჩენილი ნაკლი ან დეფექტი გამოასწოროს 5 სამუშაო დღის განმავლობაში;
- ვ) ხელშეკრულებით განსაზღვრული პირობების შესრულებისას საქმის კურსში ჩააყენოს შემსყიდველი ყველა განსაკუთრებული გარემოების შესახებ;
- ზ) შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან/და ლიკვიდაციის შესახებ.

5.2. შემსყიდველი ვალდებულია:

- ა) უზრუნველყოს უფლებრივად და ნივთობრივად უნაკლო ნივთის მიღება.
- ბ) შეუფერხებლად აუნაზღაუროს მიმწოდებელს გაწეული მომსახურების ღირებულება ამ ხელშეკრულებით გათვალისწინებული ვადების შესაბამისად;
- გ) მიმწოდებელთან ერთად აწარმოოს ინსპექტირება ხელშეკრულებით გათვალისწინებული პირობების შესრულების მიმდინარეობაზე.

მუხლი 6. ფორს-მაჟორი

6.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, ომი, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომლის წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

6.2. მხარე, რომელსაც მიზეზად დაუძლეველი ძალის მოვლენები მოჰყავს, ვალდებულია დაუყოვნებლივ აცნობოს მეორე მხარეს წერილობით ასეთი მოვლენების დადგომის თაობაზე. ამასთან, მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

მუხლი 7. პასუხისმგებლობა

7.1 ხელშეკრულების ნებისმიერი პირობის შეუსრულებლობის და/ან არაჯეროვნად შესრულებისათვის, დამრღვევი მხარე ვალდებულია მეორე მხარის მოთხოვნისთანავე გადაუხადოს მას პირგასამტეხლოს სახით ყოველ ვადაგადაცილებულ დღეზე ხელშეკრულების ჯამური ღირებულების 0,1% ოდენობით, არაუგვიანეს 14 საბანკო დღეში და უზრუნველყოს დარღვეული უფლების დაუყოვნებლივ გამოსწორება.

7.2. იმ შემთხვევაში, თუ მიმწოდებელზე ხელშეკრულების პირობების დარღვევის გამო დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 2 (ორი) პროცენტს, მეორე მხარეს უფლება აქვს ცალმხრივად შეწყვიტოს ხელშეკრულება.

მუხლი 8. ინსპექტირება

8.1. ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს გაწეული მომსახურების ხარისხის ინსპექტირება.

მუხლი 9. ხელშეკრულების შეწყვეტა

9.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

9.2. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისაგან.

9.3. ხელშეკრულების შეწყვეტის გაფორმება ხდება დანართი შეთანხმების გზით, მაგრამ შეუთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.

9.4. შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:

- ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს)
- ბ) მიმწოდებლის მიმართ მიმდინარეობს გაკოტრების საქმე. (მიუხედავად მისი დაწყების დროისა);
- გ) მიმწოდებლის ქონებას დაედო ყადაღა;

შემსყიდველი



მიმწოდებელი



დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე.

მუხლი 10. სხვა პირობები

10.1. ხელშეკრულება ძალაში შედის მხარეთა მიერ ხელმოწერისთანავე და მოქმედებს 2018 წლის 31 იანვრის ჩათვლით.

10.2. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

10.3. არც ერთ მხარეს არ აქვს უფლება გადასცეს მესამე პირს თავის უფლებები და მოვალეობები, მეორე მხარის წერილობითი თანხმობის გარეშე.

10.4. ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.

10.5. იმ შემთხვევაში, თუ ხელშეკრულებით ნაკისრი ვალდებულებების შესრულების დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია ხელშეკრულების საერთო შინაარსის ფარგლებში.

10.6. წინამდებარე ხელშეკრულების პირობების ნებისმიერი ცვლილება უნდა გაფორმდეს ქართულ ენაზე, ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10.7. მხარეთა შორის წარმოშობილი სადავო საკითხები წყდება ურთიერთშეთანხმებითა და მოლაპარაკებების გზით; იმ შემთხვევაში, თუ შეთანხმება არ იქნება მიღწეული უთანხმოების წარმოშობიდან 30 დღის განმავლობაში, დავა გადაწყდება სასამართლოს მეშვეობით საქართველოს კანონმდებლობის შესაბამისად.

10.8. წინამდებარე ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ერთი ეგზემპლარი ინახება მიმწოდებელთან, ერთი შემსყიდველთან. წინამდებარე ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მუხლი 11. მხარეთა რეკვიზიტები და ხელმოწერები

შემსყიდველი:

საქართველოს რეგიონული განვითარებისა და ინფრასტრუქტურის სამინისტრო, მის. საქართველო, თბილისი, ალ. ყაზბეგის გამზ. №12, საიდენტიფიკაციო კოდი 204 564 845, სახელმწიფო ხაზინა, ანგარიშის №200 122 900, კოდი TRESGE22.

ხელმოწერა _____

კახაბერ გულედანი

ბ.ა.

მიმწოდებელი:

შპს „ფრანი“ მის. ქ. თბილისი აბუსერიძე-ტბელის ქ. №15, სს „თი ბი სი ბანკი“, ბანკის კოდი TBCBGE22, ანგარიშის №GE 83 TB 7563 1360 2010 0001, საიდ. კოდი 401 947 293.

ხელმოწერა _____

ნიკოლოზ ფიროსმანიშვილი

ბ.ა.

თ. გუბაიროვა

კ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

ქ. მ.

გამარტივებული ელექტრონული ტენდერის აუქციონის გარეშე № NAT170000354 სატენდერო
დოკუმენტაციის მე-2 მუხლის 2.4 პუნქტი

ტექნიკური დავალება

2.4. შესყიდვის ობიექტის ტექნიკური დავალება:

შესყიდვის ობიექტი: მიმწოდებლის მიერ შემსყიდველისათვის სავიზიტო ბარათების
ბეჭდვის მომსახურების გაწევა.

შესყიდვის საგარაუდო ღირებულება: 4 200.00 ლარი დღგ-ს გარეშე.

CPV კოდი – 79823000.

2.4.1. დასაბეჭდი სავიზიტო ბარათების რაოდენობები და ტექნიკური მახასიათებლები
განსაზღვრულია ქვემოთ მოცემულ ცხრილში:

№	ენა	ტექნიკური მახასიათებლები	რაოდენობა	რაოდ. ერთეული
1	ინგლისური	• ცალმხრივი; • თეთრი ტილო, 300გრ; • ზომა 5X9; • წარწერა ამობურცული; • პრიალა ასოებით; • 3 (სამი) ფერში;	1500	ცალი
2	ქართული	• გერბი მოოქროვილი, ამობურცული, დამზადებული ფოლგით; • სამინისტროს დასახელება; • პიროვნების სახელი და გვარი; • პიროვნების თანამდებობა; • საკონტაქტო რეკვიზიტები.	1500	ცალი
3	ქართული ან ინგლისური	• ცალმხრივი; • თეთრი ტილო, 300გრ; • ზომა 5X9; • წარწერა ამობურცული; • პრიალა ასოებით; • 3 (სამი) ფერში; • გერბი მოოქროვილი, ამობურცული, დამზადებული ფოლგით; • სამინისტროს დასახელება; • პიროვნების სახელი და გვარი; • პიროვნების თანამდებობა; • საკონტაქტო რეკვიზიტები.	2500	ცალი
4	ინგლისური	• ცალმხრივი/ორმხრივი • ტილო, 300 გრ; • ზომა 5X9;	1500	ცალი
5	ქართული	• 4 (ოთხი) ფერში (თეთრი, ოქროსფერი, წითელი, ლურჯი) • გერბი/ლოგო (შოლკოგრაფია); • სამინისტროს დასახელება;	1500	ცალი
6	ქართულ-ინგლისური	• პიროვნების სახელი და გვარი; • პიროვნების თანამდებობა; • საკონტაქტო რეკვიზიტები.	2500	ცალი

7	ინგლისური	• ცალმხრივი; • თეთრი ტილო, 300გრ; • ზომა 5X9; • წარწერა ამობურცული; • პრიალა ასოებით; • 3 (სამი) ფერში;	500	ცალი
8	ქართული	• გერბი მოოქროვილი, ამობურცული, დამზადებული ფოლგით; • სამინისტროს დასახელება; • პიროვნების სახელი და გვარი; • პიროვნების თანამდებობა; • საკონტაქტო რეკვიზიტები. • საკონტაქტო მონაცემების ბრაილის შრიფტით დატანა.	500	ცალი

სავიზიტო ბარათის საბოლოო დიზაინი შეთანხმებული უნდა იყოს შემსყიდველთან.

შემსყიდველი

ბ.ა.



მიმწოდებელი

ბ.ა.





შპს „ფრანი“

ფასების ცხრილი

კომპანიის დასახელება შპს "ფრანი"

დანართი №2

№	დასახელება	რაოდენობა	განზომილების ერთეული	ერთეულის ფასი	საერთო ღირებულება
1	ინგლისური სავიზიტო ბარათი	1500	ცალი	0.472	708.00
2	ქართული სავიზიტო ბარათი	1500	ცალი	0.472	708.00
3	ქართული ან ინგლისური სავიზიტო ბარათი	2500	ცალი	0.3658	914.50
4	ინგლისური სავიზიტო ბარათი	1500	ცალი	0.1888	283.20
5	ქართული სავიზიტო ბარათი	1500	ცალი	0.1888	283.20
6	ქართულ-ინგლისური სავიზიტო ბარათი	2500	ცალი	0.2242	560.50
7	ინგლისური სავიზიტო ბარათი	500	ცალი	0.59354	296.77
8	ქართული სავიზიტო ბარათი	500	ცალი	0.59354	296.77
მთლიანი ჯამი:					4050.94

* ერთეულის ფასების დაანგარიშებისას, გთხოვთ იხელმძღვანელოთ სატენდერო დოკუმენტაციის მე-2 მუხლის 2.4. პუნქტით („შესყიდვის ობიექტის ტექნიკური დავალება“) გათვალისწინებულ ცხრილში მოცემული სავიზიტო ბარათების ტექნიკური მახასიათებლების მიხედვით.

შპს "ფრანი"-ს
დირექტორი
ნიკოლოზ ფიროსმანიშვილი

